

tfua'a ho koiyo

pantola mainca. ho isi talui 'o tfua'a homo muni. mais'a mo na'no 'ae'aenguzu. mais'a mo teu'tumu no isi payo'a ci macucuma. 'o koiyo mo mais'a mo na'no tmunanac'o homo muni. mais'a 'ola ma'susuae cimo peiskuv'o. mosucula ahtu baito hoci iepoepohu toesoso 'o tfua'a ho koiyo? osu aiti honci iepoepohu peispak'i? la nana na'no yupa kuzo 'o tfa'a ho koiyo. e'vono mo meoisihe 'o koiyo. mo mipak'ihe ho isi aiti. la at'ingi ngoheungeu to tfua'a. o'a las'a smeecu'ho ohcum'u to tfua'a.

lahe yainca ta mamameoi. mais'a latocu at'oca umnuahē 'o koiyo homo mi'u'uteu. tata'ia honci meelu mais'a to hia 'uteu to koiyo 'e haahocnguto. ko'kono ho lac'u fiho e'ohu 'e micu saasmoyusku ci 'o'oko no haahocngu. honcicu amako mayo no fuzu ho nomo maamtanuhe ci yuansou. tac'u peela sito teofsu 'o ceopngu no hici. tahe ko'ko osnia hongā ho micu saasmoyusku. a'vinano cohivi ho pano ohsicula meoino hi'hioa.

o'ucula talui to mamameoi ho ohela engha 'e h'oehanva no tfua'a ho koiyo. mo maica 'o o'ula talui. mosoc'ola nana conoemoo 'o tfua'a ho koiyo. mosoc'ola totiski 'o mi'a'ausnahe. la na'nosino yuyuso ho e'ohu. la acni opoepohu honci mayo no fou. la meelu yupa nananghinghia.

moso cono feungna. moso seolua no hosoyuma. mo na'no soyumu. moso mayo to micu oemi'mi ci tuapzu. yonto feongo ho soupuzu ho ngicu.

micu yupeahnguyu 'emo yoso. mo mainca 'o tfua'a. ta fuengu tan'e. mainci acuhu na'no yonghu 'o mocmo ci zomu. acuhu na'no tmuseolu homo muni. na a'to, o'a mito yonghu, o'a mito tmuseolu, mo yut'ingi 'o koiyo ho mainca. cimo maezo maica co 'tohungu'u. la'u 'aoka ta'sosohpoza eni. at'ingi o'a os'os'a cohivi te mainenu te umnu. " te maica. tetoc'o tposi ". mo mainca 'o tfua'a. " nenu nate tposi? " mo tuocosu 'o koiyo. " 'a teno tposi 'e m'um'uto ". mo yut'ingi 'o tfua'a. " zoueno! teno anova engha. 'a tetocuno ahoza tposi! "

isicueno ahoza tposi to tfua'a 'o m'um'u to koiyo. mo mav'ov'o 'o isi titha to tfua'a ho asno'zonga tposi. 'a i'o eno mi'a'ausna to koiyo maitan'e. isi iachia na'no umnuā to koiyo 'o mi'a'ausnasi. na'no 'aveoveoyu to tfua'a. tesicu auska tposi to koiyo 'o tfua'a. micu'so na'no noana'o feungna. micu'so ianan'ou na'no soehupu. micu m'oyucu 'o tfua'a. micu mayo to ongu 'o koiyo hoc'o 'aunpupa siesa 'o tfua'a hocu maezo oengutu.

micu taseona no hucma. mo auyu bochio 'o koiyo. isi aiti homoc'o aucunu kua'onga 'o tfua'a. na'no 'oha yonghu. isi ta'sona ho tena su'no 'o tfua'a. o'a isi totea honcicu bochio 'o tfua'a micu ae'mu pkaako. ahoi ne mio. 'anamosos'ala ahtu noepohu. ho ac'uhu main'e ho na'no yupa kuzo.

烏鴉和老鷹

烏鴉的叫聲緊張，像找尋遺失的東西，老鷹叫聲孤獨，像做錯事在後悔。烏鴉和老鷹原本長相一樣，經常一起狩獵、食用獵物，彼此友愛。有天烏鴉提議用顏料畫彼此的羽毛，烏鴉拿許多顏料認真畫老鷹，但老鷹畫烏鴉時已是深夜，就隨意塗鴉、睡覺。早上，老鷹看到烏鴉全身黑色很難看，趕快逃走，從那時起就彼此仇視至今。